

咪睇少我哋！（霸氣）（你哋到底係咩品種呀？）英雄莫問出處，黑狗白狗，能跑就是好狗！汪！



本州唯一的狗拉雪橇

帶我在白茫茫的

由東京繞道先去群馬縣玩樂，一到水上高原滑雪場，看到銀白世界好靚好浪漫啊！但不夠 5 分鐘已直呼好凍，可唔可以入返室內？「一陣仲凍啲，帶咗頸巾手套未？」同行日本朋友已戴好雪鏡、防水手套，見我毫無準備即借我一套，領我步上山坡，遇見了十數隻不知何品種的「雪橇犬」與平井寧先生。

第一印象，未見其人先聞其「味」，狗隻味道於大雪中仍然清晰，看到狗隻真身當下嚇了一跳，皆因腦中想像的，理應是企起身幾乎與人一樣高的亞拉斯加或西伯利亞犬，但眼前所見的狗狗，沒毛、瘦弱，實在擔心牠們如何拉動兩個成人，心中不忍。但主人平井先生輕輕鬆鬆：「佢哋好強壯好健康，no worries！」以一口流利英語安慰我。

於是戰戰兢兢上雪橇，又與想像中如坐馬車般舒服不一樣，原來全程站立，剛站穩平井先生就緊接着上橇，兩手圍着我拉着扶手，極有安全感。大喝兩聲，5 隻狗應聲而衝，比我想像中要快！除了上坡群犬似有點吃力、需由平井先生用腳踩幫忙外，其餘時間都是一直綫飛奔，沒顯疲態。前路白茫茫，群犬領路，飛雪撲臉，爽快！（但我沒帶頸巾，臉頰嘴巴凍到幾近麻木……）



接下來 2 月 24 日、3 月 24 日這兩個禮拜日，如果來到滑雪場，絕對不要錯過狗仔飛碟 show。

狗拉雪橇體驗

時段：10am、11am、1pm 及 2pm

收費：50 分鐘 500 港元（與導師共乘 5 隻或以上狗

隻拉動的雪橇，走 2 公里）


預約電話：+81 (0) 278 75 2222





已有廿多年養狗經驗的平井幸先生，家中養狗數目達30隻，看他精神奕奕，原來已57歲！「阿爸以前都養狗，而家我教緊個仔點練狗，想一代代傳落去囉。」

雪地上飛奔



兩個大男人夾埋300幾磅，無有怕，照奔可也！

樂騎「喜羊羊」

來到出名多雪上活動的滑雪場，除了狗拉雪橇，當然還有大把玩意。甚為欣賞這被白雪覆蓋後相貌極似喜羊羊的雪上電單車，操作簡單親民，全程只需控制左邊的brake及右邊前進，別說大人，就是小朋友都輕易成為賽車手，「頭搖又尾擺，飄移境界！」



今年起場內新增坐水泡滑行的區域，小朋友個個又驚又要玩，表情可愛。




想舒舒服服，也可以選擇雪地飄流，坐橡皮艇在雪地滑行。

日本小子連跑幾圈，每次見到我們就直豎姆指，好型仔。



日本偶遇喜羊羊？友善的「臉孔」，叫連單車也不太懂騎的我毫不猶豫地跨上去。



機抽森林的小徑，堆雪人，堆雪人。



雪上電單車

收費：成人 126 港元起（專用跑道 5 圈），小童 67 港元（專用跑道 3 圈），亦有親子體驗 151 港元（親子各乘一部，跑 3 圈）

水上高原滑雪場

地址：群馬縣利根郡水上町藤原 6152-1

電話：+81 (0) 278 75 2222

營業日期：即日起至 4 月 21 日

時間：8:30am - 4:30pm，星期六、日及公眾假期 8am 開放

雪道：高級雪道 2 條，中級雪道 6 條，初級雪道 3 條

入場券：成人 328 港元，中學生或 55 歲以上長者 286 港元，小童 168 港元起，3 歲以上 67 港元

租借雪具：滑雪服成人 294 港元，小童 210 港元；滑雪板 336 港元起

網址：www.minakami-ski.jp/

交通：新幹線上毛高原站及 JR 上越線水上站皆有接駁巴士，須致電預約